


# OMUKWETU

Registered at the General Post Office as a Newspaper

## WALDHEIM MOWAMBO



Aayenda otaa londoloka mondhila ya S.A. mokapale pOndangwa

### Ongerki yaAnglikan ya dhengwa pokagolona

"Ngame Johannes Jacobus Klopper, moonkondo ndhoka ndi dhi na ongaAmushanga gwoshilongo shaSuidwes - Afrika, otandi tseyitha nombilive ndjika kungoye omumbisofi omusimanekwa, Colin O'Brien Winter, okuthigapo oshilongo shaSuidwes manga otundi 12. yomutenya inayi dhenga eti - 4Maalitsa 1972 pashitokolitho shompango yuuthemba wokutidhapa yOmumvo 1920."

Shika osha li po mombilive ndjoka ya pewa omumbisofi gwongerki yaAnglikan muSuidwes, oku mu lombwela nkene omasiku ge ga yalulwa okukala mevi ndyoka.

Omumbisofi Winter, okwa pewa elombwelo ndyoka ngashi lya gandjwa koshigongi shooveta shomuSuidwes. Nopamwe naye aayakulingerki yaali Rev. Stephen Hayes nomusamane David de Beer, amushanga gwomumbisofi nomudhiginini gwiiniwengerki.

Omumbisofi Winter oye gumwe kwa li omupopili omune gwombilive yeeguluka ndjoka ya li ya nyolelwa oministeli Vorster ya S.A. kaawilikingerki yoongerki oonkwaLuther dhaavalelwamo muSuindwes.

Moshifo shepangelo "Die Suidwester" sheti-28. 2. 72 osha ti kutya, omumbisofi Winter oye omutamaneki gwepangelo a simana

nomiipopiwa oyindji momathimbo ga piti okwa popi shono tashi halukitha omuntu.

Nkene epangelo li li po omukondjithi gwongerki, nenge aayakulingerki sho itaa pewa oopasa dhokuya momavigumbo moka iilyo yongerki yawo yi na okuyakulwa, oyo mbyoka oshifo she yi popi kutya, iipopiwa iidhigu.

**Jerusalem, ongoye wa dhipaga aaprofeti, nowa dhipaga nomamanya mboka ye ku tuminwa .....** oyo otekisti ya uvi-thwa komumbisofi Winter melaleko lye moka mwa li mwa gongalele aaluudhe ye vule 200 mongerki yaAnglikan mOvenduka.

Ope na omalimbililo ogendji taga inyenge maantu nkene ongerki yaAnglikani tayi ka tsikila oshilonga shayo muSuidwes alihe. Ihe

omumbisofi mwene okwa kumike ngeyi iilyo ye:

"Kristus sho e tu mangelula, kaleni ano ongamboka ya mangeluka noinamu pitika mu ninge aapika yaantu."

### SUIDWES OTALI PUMBWA IIKAHA IILUDHE NIYELELE

Ehumokomeho lyevi ndika olya tegelelwa li ze miikaha yomaludhi agehe gaakali yomuSuidwes, osho Omukuluntu gwiigwana yahangana Dr. Kurt. Waldheim a lombwelwa kOngerki yOwambokavango.

Dr. Waldheim ngoka a kundathana nOngerki onkwaevangeli paLuther mOwambokavango, konyala uule wotundi yimwe, okwa hololelwa nkene okatongotongo mevi ndika ke li po yina yuudhigu auhe. Ongerki oya ulike wo nkene ya tinda okutaamba omadhiladhilo gomatopagulo giigwana muSuidwes.

"Suidwes evi limwe, li na aaluudhe naatiligane, onke omatopagulo itaga opala. Ehumokomeho mpaka otali etwa po kiikaha iiluudhe niyelele ayihe kumwe," osho ongerki ya ti, moonkundathana dhawo naamushanga gwiigwana mOshakati.

Tala kep. 6, 7.



MAALITSA

1972

### Ondhipi momagongalo

Muuyelele wiikonekiwa mbika, otatu lombwele oongerki dhetu nomagongalo getu kutya; oongerki dhi itule moshilonga shelongo pamithika adhihe, opo aakwanegongalo yu uve ko nawa uukwatyankalo wetu, yo ya koleke ekwatathano naakriste yalwe shaa mpoka tashi vulika, opo ya vule okusinda uukwandhipi wa kala pokati kaantu yo ya tseyathane noyu uvathane ko nawa shi vule shito.

Naa longithe uugumwe wopamwayinathana mowalitali nomoshiuvithilo mokati kezimo alihe lyaakwaLuther, opo okukokela kwetu mumwe ku endelelithwe. Naa lalakanene uuthemba netsakanitho lyawo monkalelo yetu, unene yi itule mokudhiladhila eutho ndyoka.

Naa kundathane omaudhigu ngaka pamwe niilyo yomihoko dhilwe noya konge ondjila okukwatha omuntu kehe noongundu ndhoka tadhi dhengelwa ketenga mokutindilwa uuthemba womuntu.

Pamadhiladhilo gopakriste omuntu kehe oku na omwenyo mqlwedhimopo lyoondjo. Kedhimopo ndika tse otatu taambathana omukwawo nomukwawo. Wo uumwayinathana inau uvika ko ashike pambepo, ihe ou na okuholoka mokukalamwenyo kwetu kwesiku kehe.

Omu na omithigululwakalo dha yooloka dhi ili nodhi ili mokukalamwenyo kwetu, ndhoka dha mena muule nodha etitha oondhipi koombinga adhihe, nale manga pwana oveta yasha. Omaudhigu ngaka otaga keelele uumwayinathana u gwanithwe mokati kaantu. Pethimbo ndika omaudhigu ngaka nagi itakekwe pwaa na eongaongo go ge tu shikumudhe tu katuke oonkatu oompe mokukalamwenyo kwetu.

Oongerki otayi kolekwa ngele oongerki tadhi engene kumwe shi vulithe shito. pamukalo nguka ongerki otayi vulu okupopya newi limwe kombinga yomaudhigu ongele gopolitika nenge gopankalathano pethimbo lyetu.

Ehokololo ndika, nosho wo omakwawo we ga lesha nale miifo ya tetekele ge na omadhiladhilo ga fa ngaka, ogo omadhiladhilo gaawilikingerki yoongerki oonkwavangeli paLuther muumbugantu waAfrika, sho ya li ya gongala pehulilo lyomumvo gwa yi muJohannesburg. Moonkundathana oya dhimbulula kutya ope na oshindji shi na okuningwa okutungwa uukumwe monkalathano yaantu ayehe, naashono oshilonga shomukriste kehe megongalo kehe.

### OKATUNGWA INAKE YA TAKA GU KO KOMUTSE

Egongalo lyokOmuntele lya humbata okatungwa ka kola komutse; sho lya talele po epya lyetumo mOnankali muuzilo 5. 2. 72. Oye tu ningila elongelokalunga ngashi lya ningwa komusitagongalo gwokOmuntele, tate Juuso Shikongo. Oomwenyo dhetu oye dhi palutha wo noondjimbo nomahokololo.

Aayeleele yomepya lyetumo oya hawalekwa wo kuyo iizalwa nosho wo iipalutha.

Etumbulo lya ngelengendja moshigongi shika oyo: "Epya olya tiligana, ihe aalongi aashona." Oto pumbiwa u tule sha mokatungwa koye; nokutalela po omapya getumo ge li popepi nangoye;

Nahole

\*Ehokololo lyehistoli nomwaaalu gwalyo otagu tu ulukile kutya, tse inatu lya uuholo komutse mokundhindhilika uudhigu womaludhi gaantu nomokushonopeka omatopagulo gaantu", shika osha tiwa koshigongi shaambisofi aakatolika mboka ye li muS.A.

Moshinyolwa shawo sha zi moshigongi shono shi na oshipaanyolo "Eindilo keiuvo" omwa tiwa kutya, yo oya hala ashike okuholola olukeno lwawo ngashi talu pulwa wo kevangeli omolwonkalathano yaantu.

Oshigongi osha holola oluhodhi lwongerki omolwaantu oyendji taa kwatwa yo taa edhililwa inapa pulwa sha kepangelo lyaS.A. Nenge omolwomalimbililo gowala.

"Shono tu shi koyendji yomuyo, ekondjo lyawo alike netamaneko sho taa kongo uwanawa waantu mboka taa hepa kaye na omazimo, ya yoololwa kooveta monkalathano yawo."

Ehokololo olya tsikile kutya, yo, ongerki, oya tameka oshinima shika nomukumo nokape na nando gumwe ta mwena we, shimpa tuu uuwinayi u li po natango. Olya ti wo ngaaka kutya, uulunde u vule wulwe owo mboka okwiidhimbika shono sha tulwa po kuKalunga.

Oshinyolwa osha ti wo, muuyuni wa manguluka shili, uuthemba womuntu owo hau kala kombanda yiinima ayihe. Mokuyelekanitha S.A. niilongo yilwe, oopelesenda 72 dhAaluudhe, Aayasia, nOombasitela, mboka ye li po oyendji mevi, kaye na nando uuthemba wokutya sha.

Oongerki yaKatolika oya indila epangelo lyaS.A. li tale wo iigwana yilwe mbyoka kayi na omavigumbo yi li aluhe muS.A. nayo wo yi pewe uuthemba, ngashi uuyuki tau shi pula. Oohepele lela dha valwa pokati komaludhi gaantu kadhi na egameno lyasha. Mboka yaa na iilonga inaa kongelwa omalunza gasha goku ya hupitha, Uumaliwa wekwatho lyaakulupe kau kutha ondjala nando. Yo iilema, aakulupe noohepele kaye na ekwatho nomagumbo.

Oshinyolwa shika shongerki osha pandula aaluudhe mtoka ya hwama ngashingeyi okudhimbulula esimano lyawo nokukondjela okwoopaleka onakuyiwa yawo. "Osho oshimpwiyu shaakriste ya tale ehwamo lyombepo yawo yomeitaalo ya yehuhwe methimbo lyoonkondo oompe nomiikungulu," osho oshinyolwa sha hulithwa ngeyi.

*Iigwana ayihe, omalaka agehe momavi agehe, oyo tayi mono omayamukulo gawo komapulo gawo omadhigu muuyelele woohapu dhaKalunga. Komukalo nguka omuntu kehe na kale a tonatelwa ngele oku li tuu mekwatathano nohapu yaKalunga. Omupsalmi ota ti: "Iipango yoye otayi longo ndje oondunge odhindji, ndi vule aatondi yandje, oshoka oyo oyandje sigo aluhe. 119:98.*



### ELUNDULULO LOMBIBELI MOSHIKWANYAMA

1.) Embo lotete lomOmbibeli la lundululwa melaka lOshikwanyama olo Evangeli paLukas momudo 1894. ola lundululwa ku P.H. Brincker, Omundowishi ou a hovela etumo mOukwanyama 1891. Okwa kwafwa kOvakwanyama vavali va li mofikola youyevangeliste mOtjimbigwe.

Modula 1895 opa lundululwa paMarkus nolopaJohannes. Modula 1896 olopaMateus nomodula tuu oyo omaevangeli aeshe ane a tulwa kumwe, ounene wao: 18,5x11 cm

2.) Modula 1902 "Oilonga yovayapostoli" (1-8,5x12 cm) osho yo "Omukanda wotete womuyapostoli Johannes".

3.) Modula 1927 "Etamenti lipe" ola holo-ka palundululo la P.H. Brincker, Meisenholz, A.Wulfhorst. Ehololo ola lundululwa ku H.

Tönjes. Oshixupe shEstamendi Lipe osha lundululwa ku C.Sekär na A. Hochstrate ou a lundulula yo Omapsalme. Ova kwafwa kovakwanyama ava: Petrus Shiweda (Siveda)?, Elia Haufiku, Wilhelm Kafita naBenjamin Shikongo.



## EPALU ENENE

Joh. 6: 1-15

Omadhidhilo gaantu oyendji yomoshilando shaTiberias, sho ya li ya mono shono Jesus e shi ningi oga li ga yi muule unene. Otashi vulika ngiini omuntu a kutithe aantu omayovi gatano? Osho yi ipula. Kaya li ya dhimbulula Jesus kutya, Omuna gwaKalunga, a pewa oonkondo megulu, osho wo kombanda yevi.

Oonkondo dhaJesus odha holoka naanaa puuyelee miilonga ye ngashi; a) mealudho lyomavu b) momoho omaposi c) meyumudho lyaa-si d) nomekutitho lyomayovi ogednji.

Omayevangeli galwe otaga popi oonkondo dhaJesus dha longa notadhi longo notadhi ka longa ngashi Mateus ta ti: "One aayambekwa yatate, ileni mu ka thigulele oshilongo shaKalunga mwe shi longelwa peshito lyuuyuni." Mat. 25:34.

Mepalutho ndyoka omuntu ota kala e na omwenyo gwaaluhe, ye kee na mpoka ta si ondjala nenge enota. Epalutho lyaJesus otali palutha omalaka agehe niilongo ayihe, nomazimo agehe. Epalutho lyaJesus kali na okatongo, oli li mwaayehe, aakuluntu naagundjuka naanona.

Oonakulesha oohapu dhaKalunga osho wo taa palutha oomwenyo dhawo kohapu ndjika yepalu lyaa-luhe. Omuntu ngele ti ikutha mo melelo lyaJesus nota lelwa momalelo galwe, kee na mpoka ta ka mona okukalamwenyo ku na elago.

Omathambo ngaka tu na omadhigu, ogo omathambo gegalikano nogokwiikongela iipalutha moohapu dhaKalunga. Omuprofeti Jesaja ota popi omuntu a fa a kana, ihe sho e li miikaha yaKalunga, aluhe ota paluthwa nonando ta kala mombuga yuuyike. Ngashi omuntu ta pumbwa iipalutha esiku kehe, osho wo omuntu pamwenyo na paluthwe nohapu yaKalunga, yi mu pe eloolo lyaaaluhe e li pumbwa shili.

Omuwa okwiiyuvanena muye mwene a kale omuthindikili gwoye momathambo goye agehe manga u li muuyuni mbuka wokathambo okafupi kowala. Sho u na ondjila onde yi thike mpoka, ino ikalela, kala muye, oye nota kala noku-ana po iimpwiyu yoye ayihe u yi na.

Aantu yamwe oya fa taa iyekelele, ihe Omuwa te ya lombwele

"Suidwes olyu udha uukomunisi,"

Wurmbrand ta ti

Omusitagongalo Richard Wurmbrand, gwongerki onkwaevangeli paLuther mu-Rumania, okwa talela po Suidwes pehulilo lyaFebuluali. Oongundu dhaakalimo mOvenduka Aaluudhe nAatiligane oya li ya hokwa okupulakena omusitagongalo ngoka a kala oomvula 14 mondholongo yaakomunisi.

"Etumo lyopakriste miilongo yaakomunisi, otali kwatha omagumbo ngoka ge li mo taga hepekwa moondholongo," osho omusita Wurmbrand a popya.

Omuyevangeliste Wurmbrand ngoka a simana muuyuni auhe, pethimbo lyetalelopo lye mOvenduka, okwa kumwa unene keholoko lyomumbisofi gwongerki yaAnglikani Rev. Colin Winter. Okwa ti, kutya omumbisofi Winter ke lwete oshiponga shuukomunisi shono tashi ikokele mevi ndika.

Omumbisofi Winter oya li ya kundathana nomusitagongalo Wurmbrand kombinga yomaudhigu gAaluudhe muSuidwes, nokwe mu lombwele, kutya ye (Winter) Aawambo ote ya longo mohole, mombili nomedhimnathanopo.

Omusita Wurmbrand ota ti, ngele ote ya longo okutaamba uuwinayi ngashi ye te u ningilwa okufala yalwe mepangulo, nena ote ya longo elongo lyopombambo. Tse ota twa hala okufala etumo lyetu miigwana yaSuidwes, mbyoka yu dhilila ngashingeyi uukomunisi.

Okwa ti wo kutya, omumbisofi Winter okwa yelithila nawa omusita Wurmbrand kutya ye ke shi omukomunisi, nokwe shi zimina, ihe a tsikile ngeyi, okwa fa inaa koneka kutya oshiponga shuukomunisi oshi li po ngashingeyi muAfrika. Ke lwete shono tashi ikoko momilema.

"Omumbisofi omukriste oye ngoka ta fala aantu ayehe kehupitho, Aawambo, Aaherero naatiligane. Ote ya hokololele Kristus. Okutsa aantu omaminimini monkalathano, shika inashi opala komumbisofi," osho omusita Wurmbrand a hokololele omumbisofi Winter.

"Uukomunisi otau ke tu sinda mbala, oshoka aambisofi yetu, ngashi Omumbisofi

### Twa pandula

Omukulugwonale okwa tile; Waa pandula noyaka." Tse yomOnangalo, otatu mu pandula one mboka tamu longo kOlange, oshoka omwa gumitha iikaha yeni ketungo lyongerki yetu nokoshiponga shomulilo sho gwa fike po egumbo 1 neliko alihe lyomukriste gwegongalo lyetu Linus Shitaatala.

1. Egumbo R8.00.

2. Ongerki R1.12.

Kumwe R9.12.

Tate Kalunga ne mu yambeke aluhe neliko lyeni ne li indjipaleke ishewe.

Ekwatho alihe olya ningwa mewiliko lyatate Kefas Nk. Katangolo.

Omutaambi omusitagongalo Gabriel Amupolo, naLinus Shitaatala.

nelaka lyomukumo; "Thikama, lya, nwa, oshoka ou na ondjila onde tayi ku nyenge." Omuwa ota kala epalutho lyouye sigo wa adha kuuyuni uupe. Ookuume ya thiki ko nale. Heb. 13:14

Johannes Gweendama

Winter, kaye lwete oshiponga shawo.

Omusitagongalo Wurmbrand okwe ya mekwatathano nomusitagongalo gwongerki yOombulu, Dana Minnaar, omuwiliki gwaagundjuka na amushanga gwoshilonga shevangeli mongerki ndjoka, unene okukwatha Aaluudhe momadhiladhilo guukomunisi.

Moshihopiwa shokugandja uusama kaasitagongalo yomuSuidwes sho itaa ya kelele uukomunisi aniwa, omusita Minnaar okwa ti kutya ye ina panda nawa omukalo gwokulonga ekelele lyuukomunisi ngashi gwa etwa kuye (Wurmbrand).



## Euvaneko lyOmwa Jesus

Mat. 28: 20b

"The tala ongame ondi li pamwe nane omasiku agehe sigo ehulilo lyuuyuni."

Omuwa Jesus te ya wilike, ote ya kolekele moshilonga she.

Ote ya galikanene kuHe, ote ya dhiginine koomwenyo nokomalutu, ote ya yambeke, nota dhimi po oondjo. Ngame wo nandi ndhindhilike kutya, ondi li momoho gOmuwa Jesus omasiku agehe.

Ev. Filipus Kamkanda



## OTWA PEWA OKWIILIKANA NOKWIILIKANENA

Oshili yoo vene oyo ei nokutya, onghalamwe-nyo aishe yomwiitaveli oyo okwiilikana: eilikano olo onhopa pokati kaye naKalunga, nolo omufudo womwenyo tau linyenge notau longifa oikumwifa.

Melongo IOukriste omu na epulo tali ti: "Oshike tashi tu fininike okwiilikana?" Menyamukulo omwa tumbulwa oifininiki itatu: Oshipango shaJesus (Mat.7:7). Eemhumbwe detu, noshititatu eemhumbwe noluhepo lwoovakwetu.

Efimbo eli oleilikano komwiitaveli. Otu uditeko nawa okuliindilila fyee vene meemhumbwe nomomaudjuu etu. Ndele omwenyo womwiitaveli owa yadifwa ohole yaKristus ou a ti: "Hola mukweni ngaashi u lihole mwene." Omukwetu olyeye hano? Oye omunhu keshe na omutondi wange yo. (Mat.5:44)

Oshipango shohole Jesus ine shi longa ashike noitya, ndele oku li oshihopaelelwa shetu pakuwanifa. Tala pefimbo lomahepeko aye: okwa velula okutwi kwomutondi waye munene. Pomushiyakano okwa indilila ova-

tondi vaye nokwa kulila onyuni u mu tonde shili.

Kape na omunhu e novatondi ve dule vaJesus mounyuni ou. Ashishe shimwe omouhapu ile omoupyu wavo. Jesus ke na oulunde nande. Oshili ei oya yelifwa nawa komukolokoshi winya e lidilulula komushiyakano puJesus. Okwa ti:

"Fyee ohatu pewa eshi twe lilongela, ndele ou (Jesus) ina nyona sha." Owa itavela tuu oshili ei?

Ohatu lisheshifa omahepeko twe a tala inae tu fewa. (1Petr.4:15-16) Umwe ta tandavelifa kutya, ina ninga sha, nande meni oku shi shii nawa eshi she mu hepekifa. Osho umwe ta popile mukwao, nande ke na oundombwedi washwa moshinima osho. Mokitwa eengolo koshipala shaKalunga ou ha pula oshili meni monhulo mwi (Ps.51:8), osho tuu to hepaulula? Ile iho mu ilikanene? "Kalunga okwa hala ava tave mu ilikana mOmhepo nomoshili."

Jesus oye Ohole. Iha fingi ovatondi vaye, aayee, ohe va halele ouwa nelao. Eshi oshidjuu komunhu wopashitwe, ndele kape na ondjila imwe i lili ihe fi ei yOhole. Natu

ilikane ashike tu pewe ohole, opo tu shiive okutya naavo tave tu shindi ile tave tu hepeke, ove na yo omaudjuu nomikemo nova pumbwa okwiilikanenwa.

Mokulitala fyee vene ohatu ka xupipala: "Fyee ohatu pewa eshi twe lilongela; ou ina nyona sha," osho omukolokoshi komushiyakano a ti.

Ovafatululi ohava ti: Ngeenge hatu ulike vakwetu nomuulikwa, otwa tonya ominwe nhatu tadi tu ulike fyee vene. Tashi ti, ame ondi na epuko laye lutatu. Osha yela tuu?

Ohatu ti: Ke na onghenda, ke na oshili, ke na Kalunga! -Tala ominwe doye nhatu apa tadi ulike. Jesus ta ti: "Inamu tokola, opo muha tokolwe." Ngeenge wa nyengwa okuhola mukweni, hovela u tale oku mu ilikanena. Hetekela ashike. Ame mukweni itai ti vati. Onde shi ninga, nde shi mona nonde shi itavela.

"Eilikano lomwiitaveli otali dulu shihapu, ngeenge olashili." Jak. 5:16 b.

*Liina Mpanda*

## Aaputu 11 ya dhipagwa

Onkundana ya za muMosambikwe otayi ti kutya, ootelolis 101 odha dhipagwa kuumbugantu waAngola muJanuali nuumvo, 66 ya ehamekwa 34 oonkwatwa. Kombinga yaakwiita yaPutu, aakwiita 11 oya dhipagwa. Ndika ehokololo lyopapangelo.

Ehokololo ndika olya za wo nokuLissabon, Angola, ihe kombinga yaakwiita yaPutu 9 ayeke ya dhipagwa. Opolisi yaAngola oya ti kutya, elandulathano lyegameno olya longekidhwa nawa koshitopolwa shaKunene muAngola omolwaAawambo mboka taa inyenge koombinga dhaAngola.

Omuwiliki gwaakondjelimanguluko muAngola okwa popya muBrazzaville, Kongo kutya, aakondjelimanguluko otaa kondjo ngashingeyi kuumbugantu waAngola okutameka eti-12. Januali nuumvo, notaa longele kumwe nAayangola mboka taya longo muSuidwes, osho a ti.

omulumentu meinyengo kehe pondje yegumbo nomeni.

Mokupopya shika ashihe gumwe oto kwatwa mbala keuvito kutya emanguluko lyomukiintu otali yiwa natango moshipala. Ihe mpaka otandi thikama ashike moshipala uuna ndoka inaandi fatululilwa kutya onomukalo guni omuhokanwa gwopethimbo ndika ta tsakanitha iinakugwanithwa. ye oshita megumbo nopondje.

Ngele ku na ependa lya tya ngaaka tali vulu, nda dhini okutumbula okutsakanitha iilonga yalyo mosikola nenge okutsakanitha iilonga ye pomuhona gwongandi, ye kezimbuko ta gwanithile omulumentu gwe oompumbwe dhe, pamwe shono sha li shi na okuningilwa uunona otashi ka hupa ko, inashi tsuwa onyala. Ngoka ti itaale kutya ota vulu oku yi gwanitha, shila oshimpwiyu noshinakugwanithwa shomuhokanwa osho kee shi.

Uunona owindji owa hepa komadhiladhilo ngaka moshigwana shetu kutya, kau na he, oshoka okwa kuthwa po puwo koluhepo nokiimpwiyu, kiinakugwanithwa yilwe. Yina ngoka kwa li etalaleko lyawo, aanona oyeindji oya gwila melambo ndyoka kutya kaye na we he nayina. Otaa kokele mombepo yuuthigwa, sho shika kashi shi oshinima oshishona monakuyiwa yoshigwana.

*Taku tsikilwa*



## Omuhokanwa gwopethimbo ndika

"Egumbo omukiintu," osho Omuwambo gwonale a popya. Pethimbo ndika lyongashingeyi, omukiintu ote ende okaendana-mpadhi ta kanitha ehala lye megumbo no-sha eta omulemo mepatudho lyoshigwana. Hayendji haa dhiladhila oshinima shika, nonando ohaa tsakanekwa kiinima yimwe yomonkalathano mbyoka tayi ya halutha oshoka inaye yi igilila.

Muuyuni omu na olugodhi olunene pethimbo ndika, lwaakiintu mboka taa kondjele uuthemba wawo mboka ngashi taa ti, oye u yugwa ethimbo ele. Mboka ya lesa omahistoli giigwana otaye shi dhimbulukwa nuupu kutya, olwindji aakiintu oya longithwa ngashi oshihohela shomuntu. Ihe itaku talika ashike shono she ya shunithitha pevi. Etumbulo lyOshiwambo ndyoka li li petameko, halyo alike lya yelutha onkalo yomukiintu monkalathano, ihe oku na iinakugwani-

thwa oyindji mbyoka ya tseyika kutya otayi humu ko ashike mewiliko lyomukiintu, unene tuu mekwatathano negumbo: Ngoka wa tula nawa egumbo miitomo, owa tholoma wo onkalo yoshigwana shoye ashihe.

Ihe pakulandula onkalo yomuhokanwa gwonena oya fa kaayi naevululuko, ihe oya nika uupyakadhi wokukonga iimpwiyu yilwe pondje yegumbo. Kee na enyanu naashono e na oku shi gwanitha megumbo lye.

Oshikalimo shomomauvito gomuhokanwa gwopethimbo ndika, itashi gundjilikwa nuupu kushono Ombimbeli tayi shi popi; kutya a kale omukiintu gwomulumentu gwe nokuvala aanona noku ya putudha.

Akuhe ngele otaku zi oontamanana pokati koondjokana, shoka otashi ti kutya omukiintu kee shi we Eva, ihe omuntu i ili lela. Okwa hala emanguluko, okwa hala wo aanona; ihe ina hala oku ya putudha. Okwa hala emanguluko, okwa hala okukala a fa



## Ompolo yokukala miipathi yaKalunga

Aasaeli yalsrael oya li ye na ompito yokuholoka kuKalunga. Ongaangandja Kalunga, oya li iikwiila yetaliko nomayambo. Kape na elago li vule ndika yakwetu. "Omunelago ongoka we mu hogolola a hedhe kungoye nokukala momikala dhooye nokukutithwa kuuwanawa wegumbo lyoye, uuyapuki wuukwaniilwa woye."

MEtestamendi Ekulu ooitaali oya yuulukwa kaandja Kalunga Eps. 42:3. Ote thiki luni ndi tale Kalunga?" Oyu uvite ko omagano



### OSKOLA YOMBIMBELI

Okufala aagundjuka muule woohapu dhaKalunga noku ya kolekela meitaalo manga kuyele ongerki yaELK, mUushimba oye shi ningi nomukalo ngoka sho ya dhike osikola ndjoka mOshimbingwe, popepi naPaulinum. Aagundjukakadhona oyendji oya piti mosikila ndjoka noya shuna komagongalo gawo ya ka ulike omwenyo gweitaalo ye gu putudhilwa moka

"Mpaka otaa pewa uunongo wa mbwalangandja mekwatathano nOngerki ngashi mokiilonga ehistoli lyongerki nolyetumo, eyakulo lyopadiyakoni neputudho lyaanona momagumbo", osho omukuluntusikola ndjoka a ti, Juff. Irene Nôh. (Tala efano pombanda).

Meme Nôh oha thikama esiku kehe koshipala shaagundiuka aavalelwamo ye vule 20 noku ya ulukila komutse gwondjamba. Omugundjuka lela ihe omunawino gwehimbombo ele mevi ndika okuza 1965, oku na etegameno osikola ndjika yi ka kale oshiputudhilo shaagundjuka ayehe mevi lyaSuidwes. Shika okwe shi popi nomeho ga taalela kOwambo nkoka kwa za ashike omulongwa gumwe ti, Tuuliki Uule, kOtsandi.

"Shoka osha gwana manga omolwehala ndyoka tu li na eshona lela," osho meme Nôh a ti. Tuuliki oye omutiyali okuputudhwa mosikola ndjoka muule woomvula ndatu dha piti. Omutang oye Josefina Niko, Okahao ngoka ta ka mana eilongo lye nuumvo.

Meme Irene Nôh, okwa kala shito moshilonga shaakulukadhi yongerki ndjika mOkahandja. Nando kwa li a tindilwa opaasa yoku ya kuSuidwes sho a ka fudhile po omvula yimwe netata kOndowishilanda, Kalunga okwe mu egululile ishewe osheelo o po a longe mepya lye.

gopambepo, eengeno kuKalunga olyo enyanu yya zi mohole ye, nomegameno lye neyambeko. Onke yi igidha:

Uuwanawa woye uunene ngiini we u pungulile mboka ye ku tila, e to u monithile mboka haa kongo egameno kungoye, e to ya gamene kuuwinayi auhe. Ps. 31:21.

Ombinzi ondhigu yaKristus oye tu egululile omweelo okuya miipathi yaKalunga. Ongoka a tsey a oonkondo dhombinzi ote etwa popepi a kale aluhe puKalunga, e ta taamba eyambeko lyaKalunga.

Omuna gwaKalunga ota tsey a ohole ye, nde ta kala e na etu lyawo. Kalunga te yi mu pe. Ote ende mombili nomehangano naKalunga. Yo naKalunga taye egululilathana omitima pwaa na eholeko lyasha. Kalunga te mu tseyithile ehalo lye, oye He. Omuntu oku na ayihe ta pumbwa, kee na we uuthigona wuuwanawa. Omwenyo tagu fudhithwa kedhimopo lyoondjo, ombili yaKalunga otayi gu gamenenene muKristus.

Popepi naKalunga omuntu ota uvu enongono kehe lyaMbepo Omuyapuki, nokahalo kaKalunga okashuushuu ote ka tsey a e te ka gwanitha nokuvulika kuko. Oonkondo dhe otadhi tana aluhe, oshoka Kalunga oye oonkondo dhe naKalunga oku li aluhe puye.

Okukala montaneho yaKalunga otashi mu ningitha aluhe omantalwa miikala ye. Omuntu ota fupipikwa aluhe nota pewa uumbanda nendjango eyapuki. Oku shi shi, oku li aluhe koshipala shomukwaniilwa, Ehanganona naKalunga otali mu faathanitha naKalunga. Eligamenokalunga otali mu shitukitha a fe Kalunga. Ekalo lyaMbepo muye, otali yapula.

Osho opalela ndje okukala popepi naKalunga, shi tya Asaf mEtestamendi Ekulu Ps. 73:28. Ngoye ihe ngoka gwomEtestamendi Epe, etopolitho lya kagunyunwa po nopevi ndi tale po? Manya lya zi po, ndjila ya pwa sigo megulu, Halleluja." Ompolo yokukala montaneho yaKalunga nayi tu sikumudhe, yi tu pegule ko kuuyuni nokomanyanyu gawo, tse tu kale montaneho ye puundingosho, paanenentu nopaashamba.

Ehedho kuKalunga kali na ashike ompolo yokukala montaneho yaKalunga, ihe oli na wo eadhimo molweyakulo ndyoka tu na okutsakanitha.

J. Amakutuua

### Okwa li e tu talela po omafiku a dja ko

Omafiku 27.2.1972 okwa li mawa kufye unene eshi twa talelwa po komufitaongalo Malakia Haaunganga mOshomeva. Eshitiwa ongala mongerki yetu otwa popifwa kuye nondjovo yaKalunga ngaashi kwa li e i kufa membo IOilonga yOvaapostoli 1:8.

Eengudu dihapu domalwiimbo mOshomeva ode mu kunda yo nomaimbilo mahapu. Konima yaashi okwa umbwa ongalo yoshilonga shetumo i fike konyala R10.00. Omufitaongalo Malakia oo kwa li a enda pamwe nomufitaongalo Josua Hanyango metalelopo eli, okwa yakulile nale eongalo eli. Paife oha longo meongalo loshipangelo shaNgela mOukwanyama.

Tate Malakia, eongalo letu laTsumeb otali ku halele enangeko nouputa IOmwene. Ila vali u tu talele po

Ndinomholo T.Ndilula

## Moshipangelo muHelsinki nki

Aawambo aaholike,

Ndisho osho ngaa omukalo omwaanawa okulaleka ngele omuntu ta zi po. Ihe ngaye ondu uvite ndi iyaka po nando nda mono ngaa ompito yokulaleka oogumwe noogumwe. Ombili, ngashingeyi onda hala okwoopaleka epuko lyandje, nonda hala okulaleka nombilive ndjika Omuwambo kehe.

Onda zi po ombadhilila lela nongashingeyi ondi li mOsoomi moshilando shaandjetu muHelsinki. Ihe osha fa ngaa omwenyo gwandje inagu thika natango mpaka, ogwa fa tagu landula ndje konima.

Ondi li mokati kuutalala wolumi talu loko. Ngashingeyi nokuli sho tandi tala pekende pondje, oondunda dhomagumbo noshwo wo oondjila naantu, oya toka ashike olumi. Evi lyetu olyo opala wo pethimbo ndika nando otu li muutalala lela.


Omwenyo gwandje sigo onena ogu li mOwambo, ngashi nde shi tumbula nale nokuli. Ogu li mokati keni. Onda hala okupandula omimvo ndhoka dha piti mwa taamba ndje nawa notwa kala nawa pamwe ngashi aantu ye na okukala, hamenyanyu alike, aawe, nomuudhigu wo. Uudhigu ohau tu adha opo tu kale tu uvite wo enyanu.

Pethimbo ndika sho lya fa lya piyagana, natu dhimbulukweni kutya, uuyeleele otatu landula aluhe omilema, opo tu mone oonkondo neitaalo okupita pethimbo lyuudhigu. Kalunga okwa hala okukoleka aantu ye, opo ya wape okutala nenyanyu esiku lya hugunina.

Onda hala okutumbula iitya mbika pehlilo. Kaleni ngomuntu gumwe, opo tamu mono oonkondo okukondja muuwinayi. Dhimbulukweni, kutya nando Kalunga ta gandja uudhigu, ota gandja wo oonkondo dha gwana okuhumbata omitenge dhetu ngele tatu kala miikaha ye.


Kaliipo nawa, itandi mu dhimbwa nando.

Marja Virtanen



Meme Marja Virtanen okwa longa ethimbo ele mositola yomambo mOniipa. Nando a li e na okushuna nuumvo muSoomi mujuni, okwa zi po ombadhilila kelombwelo lyomudohotola a ka mone ekwatho muSoomi. Hwi-yaka okwa tandwa mbala noku li nawa ngashingeyi. Tate Virtanen ota ka landula ko pokati komumvo. Meme Virtanen kuume kAawambo oyendji, otatu mu halele uukolele wa gwana hwi-yaka. Oshipala she otatu shi dhimbuluthwa kiilonga ye oyindji e yi ningi mepya lyetumo mpaka.





Pokapale kondhila pOndangwa amushaga omunene gwiigwana ya hangana kwa tsakanekwa kongundu yompitithimpango yepangelo lyOwambo noshwo wo kongundu yaagundjuka ya yelutha omapakete taa igidha Namibia. Momapakete omwa li mwa shangwa omatumbulo ogendji moodanda ocnene oontiligane ngashi; "Vorster za muNamibia," Waldheim kutha ko evi, "Inatu hala omavigumbo." "Otatule koleke ombilive yOmumbisofi Auala." Omanyolo oga li melaka lyOshiingilisa

### Uupombolome womusita wa popilwa

Onkambadhala yokunengeneka oveta yowkwaahokana kwomusita omukatolika nenge oku yi dhima po thiluthilu, oya hulile ashike mombepo. Oveta ndjoka oya kundathanwa nehwamo moshigongi shaambisofi yomongerki adhihe muuyuni ahe shono sha li sha gongala moshilando shomupapa Vatican, muRoma pehulilo lyomumvo gwa yi, uule wiiwike itatu.

Omaidilo goshikundathanwa shoka sha li sha simana, oga li ngeyi kutya, ngele aapilisteli otaa zimininwa ondjokana, nenge pu holoke ompito ndjoka kwaamboka taa ka landula eithano ndika sho ya adhika ya hokana nale ya taambwe nombili.

Moshigongi shono shi na okukolekitha omatokolo gasho niititatu iyali, oshigongi ngerki osha gandja omawi 168 mboka taa popile oveta yuupombolome yaa lundululwe nando omulongo ayeke ye yi kondjitha, nayatatu oyi ikutha mo moshinima.

"Ompito yokuzimina eyapulo lyomupilisteli ngoka a hokana nale itayi gandjwa nando esiku limwe, okuninga shila tashi ningi oshinima shongerki ayihe notashi pewa eziminino lyomupapa omuyapuki, opo shi konakonununwe natango," osho etokolo lya li po ndyoka lya gandjwa komawi 95, sho kwa indilwa aalumentu ya hokana nale ya taambwe wo miilonga yopambepo.

Omapulo ngaka omanene mongerki yaKatolika oga holoka po unene omolwaapilisteli oyendji ya thigi po oshilonga shawo ongumitila nenge puuyeleele, yamwe yawo o po ya ka hokane.

Eipulo ngele aakiintu ye shi wo okuyapulilwa uupilisteli, olya li mo moshigongi ngerki shoka shongerki yaKatolika.

Southern Cross

### Ekundo lyongerki yOwambokavango ku Dr. Waldheim

Ekundo lyongerki onkwaevangeli paLuther mOwambokavango ndyoka lya etelwa amushanga omukuluntu gwiigwana ya hangana, Dr. Kurt Waldheim, metalelopo lye mOwambo, olya li po ngashi tali landula mpaka. Aatonateli yitayingerki ayihe itatu mOwambo, oyo ya thikitha ekundo ndika peha lyomumbisofi gwongerki, Dr.L.Auala, ngoka kwa adhika e li kOrepublika.

"Ongerki yetu oya zi mEtumo lyaSoomi. Aahongi yotango oyi ile huka eti-9.7.1870. Ongerki oya mono eipangelo lya ziminwa kepangelo eti-10.5.1957. lilyo yayo oyi thike lwopo-200,000, ya hangana noomwamemengerki muSuidwes alihe notu li 330,000.

### Ovapangeli ovadalelwamo, mepangelo lOwambo

Onawa hano, monakwiiwa yoshiwana shOwambo, ovapangeli ovo tava landula, okupangela oshiwana shOvawambo, mepangelo lOwambo, va hoololwe koshiwana ashishe. Ehooololo olo li findikilwe moshiwana ashishe mOwambo no pondje kwaavo ve li moilonga, opo ombili i hapupale moshiwana, nomupangeli keshe a kale a wapalela ombili yoshiwana.

Onda holola omadiladilo ange, shaashi ongerki oye litula mo, okwiilikanena oshiwana shOvawambo. Ovapangeli vetu ovadalelwamo ovafimanekwa hamu pangele pamwe novapangeli vetu va S.A, onawa nye ovo hamu udu elaka loshiwana, no mwa shiiva ombili yasho nhumbi tai linyenge, opo mu kwafe yo ovapangeli ovo inava dalelwamo. Efiku keshe pa diladilwe ombili oyo ya wapalela oshiwana eshi.

Oshiima eshi nashi landulwe hano nomadiladilo manene. 1Tim. 2:1.

Rev. Malakia Hauuanga

Omumvo gwa yi, ongerki onkwaevangeli paLuther muSuidwes oya pulile kepangelo uuthemba womuntu, opo Aaluudhe nAatiligane ya kale ye na uuthemba ye thike pamwe.

2.Omukundu mpaka ogwokatongotongo pokati kAaluudhe nAatiligane.

3.Suidwes Afrika otali pumbwa iikaha iiludhe niyelele opo li hume komeho.

4.Suidwes evi limwe li na Aatiligane nAaluudhe, ndele omatopolo ogo inaga opala.

5. Tse aakriste otu na okusilathana oshimpwiyu, oshoka ehumokomeho oli li po sho Aatiligane nAaluudhe taa kala melalakano limwe nomekwatathano.

6. Ano otwa pulile epangelo lyetu li tale nkene tali longekidhile evi ndika eipangelo, sigo tali ithikamene lyo lyene.

7. Epangelo olya halawo eipangelo, ihe eipangelo lyOwambo ayike, lyOkavango akeke lyevi lyAdamara, lyAanama noshwo tuu, ihe tse otwa halele lyevi alihe, onke twa tile epangelo lyaSuid-Afrika melongelokumwe na V.V.O. ya uvathane mombili, yo ya fale evi ndika meipangelo.

8. Tse katu shi ongundu yontumba yuupolitika, aawe, otse aalangeli ngashi kwa nyolwa Hes. 3:17-21 "Omuna gwomuntu onde ku langeke omulangeli gwegumbo lyalsrael, nge to uvu oohapu mokana kandje, ou na oku ya londodha.,,

Lya shayinwa pevi ku  
Rev. Jason Amakutuwa



## Waldheim ota mana po ethimbo lye

"Etaalelopo lyaWaldheim ku S.A. ngele ote ya a ninge okana kiigwana yahangana yaAfrika nokukundathana omatokolo ngoka ga ningwa nale koongundu dhokondje, eeno, ota taambwa nombili nonesimaneko, ihe ote ya ashike a mane po ethimbo lye," osho oministeli ya S. A. Johannes Vorster ya popya eti-4 lyaFebuluali.

Dr.Kurt Waldheim, amushanga gwiigwana ya hangana okwa pewa oshimpwiyu kEwilikongundu lyegameno lyiigwana ya V.V.O. pethimbo lyoshigongi shawo shomuAdis Ababa nuumvo, opo a kundathane na S. A. nkene aaluudhe yomuSuidwes taa pewa ei-

### Omusoomi Helvi, ta ningi amushanga gwa V.V.O.

Omafaneke ngoka ge li po ngashingeyi omulwahanamushanga gwopevi gwiigwana ya hangana ogu ukilila omukiintu Helvi Sipila, Omusoomi, nongee sha gwanithwa oye ta kala omukiintu gwotango mondjokonona ya V.V.O. okupewa oshilonga shi thike mpoka.

Omukiintu Helvi uulaadhi nuupenda we okwe u ulike miigongi iishona oyindji mu V.V.O. moka a longithwa ongomunashipundi. Amushanga omukuluntu Dr. K. Waldheim ngoka a hogololelwa oshilonga shika nuumvo, naangoka a tegelelwa mu S.A. eti-6 lyaMaalitsa nuumvo okukundathana emanguluko lyiigwana yaSuidwes, okwa hala a longithe aakiintu moshilonga shuhamushanga, nde Helvi oye unene e li momadhiladhilo ge.

Helvi Sipila, okwa longo oomvula odhindji mu V.V.O. ongoshilyo shaatumwa yaSoomi sha simana kiigwana ya hangana,

pangelo lyawo.

Omusamane Waldheim ngoka ta kala ashike omasiku gatatu metalelopo ndika, okwa hala wo okutalela po naSuidwes manga inaa shuna a ka gandje ehokololo lye ndyoka lya tegelelwa konima yoomwedhi hamano mo V.V.O.

Oministeli Vorster oya ti kutya, oshinima shokugandja eipangelo kaaluudhe osha S.A. ye mwene, nande epangelo otali ka zimina Waldheim a kundathane nalyo oshinima shoka.

Omusimanekwa amushanga ote ke enda pamwe niilyo ya za miilongo tayi landula mpaka: Jugoslawia, Argentina naSomalia. Ashike etalelopo ndika olya talwa ongonkatu yahugunina yongundu yepopilo lyiigwana ya V.V.O. okukonga emanguluko lyiigwana yaSuidwes nomukalo gwombili.

## WALDHEIM OMO A LI MOWAMBO

Otundi ontintatu komatango sho ya pititha ominute omulongo nantano, oloyo wo ethimbo amushanga gwiigwana ya hangana Dr. Kurt Waldheim a lyata ompadhi ye lwotango pokapale kaNdangwa, mOndonga.


"Mpaka onde ya ngashi nda pewa onkondo ndhoka koshigongi shongundu yegame-

no lyiigwana sha V.V.O. sho sha gongalele muAdis Abeba, Etiopia, opo ndi tale ngame ndi pulakene iiningwanima ye etela Aanamibia omaudhigu nonkene taa dhiladhila onakuyiwa yeve lyawo," osho amushanga Waldheim a popya naahogololwa yaheyali yongundu yOshigwana mOwambo, kOshakati.

Amushanga ngoka a menekele omasiku gatatu muSuidwes, mOwambo okwa kundwa tango kaakuluntu yepangelo lyOwambo, kaatonateli yiitayingerki yongerki yOwambokango, medhina lyomumbisofu ngoka kwa li kee po, komusitagongalo Petrus Kalangula nokaahogololwa yaheyali yongundu yOshigwana mOwambo.

Ongundu yaatumwa yatano oya zile kiigwana ya hangana kuAmerika opo yi kundathane nepangelo lya S.A. omolwemanguluko lyaavalelwamo yaNamibia. Pamwe naye amushanga omunene gwiigwana yahangana Dr. Waldheim okwi ile naamushanga gwe mwene omukadhona Kate Newell, omuwiliki gwongundu yegameno lyiigwanal ya V.V.O. omusamane Johannes M.Chako, Omwiindia, omusamane M.Minchin, omunambelewa gwo-shikondo shuhamushanga, omunambelewa gwe omusamane M.Pedanou, Omutogo, osho wo omulangelu gwe D.Thomas.

Manga amushanga omunene gwiigwana ina thika kOwambo, okwa popitha tango oministeli ya S.A. omusamane Johannes Vorster noku mu pandulila ehiyo lye sho e mu hiya. "Mpaka onde ya po meuvathano netokolo lyongundu yegameno lyiigwana," osho a lombwela ominister Vorster.



Amushanga omunene gwiigwana Dr. Waldheim, ngoka a talele po wo iilonga yolusheno kuKunene osho wo oshipangelo shepangelo mOshakati, pokapale kondhila pOndangwa, okwa li a hokwa okutala einyengo lyaamati. Tala nkene e ya thikamena manga taa imbi omaimbilo gaNamibia. Ongundu ndjika oye mu landula sigo okOshakati nkoka a kundathana naahogololwa yaheyali yomuyo. "Tse otwe ya mpaka tu pulakene omaudhigu geni opo tu ka hokolole koshigongi shegameno lyiigwana, notandi inekele omapulo geni otaga ka mona omayamukulo," osho amushanga Dr. Waldheim a kumike aamati yOshigwana mOwambo.



EPUKULULO

MOmukwetu waJanuali neudo No. 2 omwa tiwa: Movayapulwa vaheyali omu na umwe womoshiwana shOvadamba. Ame mwene Omunghwanghwa, kandi shi Omudimba. Vali oshili oyo ei kutya, ehokololo (ehistoli) IOvanghwanghwa otashi dulika li kanene mehokololo IOvadamba, yo oiwana oi lili kokule neenghono. Ame omukunda wambuletu Omahene ne haEtunda nande. Tangi unene eshi tamu kwafa moshinima eshi oku shi wapeka. Rev. Tobias Shiwana Shanyenge

Eputuko IOvayafrika

Canon Yinka Olumid, omuwiliki wofikola yehangano leengerki muAfrika. (AACC) okwa popya neenghono muNairobi kutya, oshilonga shongerki nashi kale paife shi na ashike elalakano lexupifo olo Kalunga a yandja kovanhu. Okwa ti, "ongerki nai kwafele okukeelela oshiponga shoukwapata, shoukwamihoko, shelinomo noshenyonauko leenghedi.

Hamushanga munene wehangano tuu olo leengerki muAfrika, Canon Burgess Carr, okwa kumaida yo ngaha kutya, eengerki nadi lungamene omakwafo oimaliwa haa di komapangelo vati okweehenifa oilonga yongerki komesho, osheshi fiku limwe omakwafo oo onaa ka kala onghedi imwe yokupika ovanhu vaAfrika.

Nge to pukululwa, hambelela

Oyendji ohaa dhiladhila kutya omusita ngele ta longo uulunde, naye wo okwa mangeluka oku u longa. Omuntu ta dhiladhila ngeyli, oti ifala mekanu ye mwene. Oshiwini nani, ngele tandi ku lombwele; Kuume, ino ende la mpaka, ope na omakwega, nando ngame omo ndi li nale momakwega moka?

Oto tsikile tuu okuuka momakwega sho, ndi li mo, to dhiladhila kutya nani itaga tsana? Ndishi oto pandula ashike sho nde kukeelele ngeyi muupyakadhi womakwega nando ngame omo ndi li?

Omolvashike wa hala okulandula ashike oshiholelwa oshiwini ngoye ondjila ombwanawa, ondjila yOmuwa, to yi etha? Ino uva sho taku tiwa, omulongwa kee vule omulongi gwe? Ano nangoye wo oto vulu naanaa okupukulula omusita mushoka a yono.

Eindilo lyandje olo ndika kune aamwame ame amuhe tu kale nokupukululathana omukwawo nomukwawo. *Rendy Uunona*

TAU KA XULA PO MBOLI

**Omamundengu mwe a teya mo moshilongo, omamulenga mwe a xuna po oshityani. Omolvoshitunda eshi mwa yada omafano, molwoshilongo eshi mwa yada oipelendelo, mwe i udika omalenga. Omalai mwe a ongela momwandi, e li ofina mekumbeti li li ponhundulu opo,**

*Fimbo mu li moshitwambe, kofeni nde inamu kofelela. Nweni nde nweni oshihakaleka. Kwinya oshitunda sha mona mwene, oshilongo sha ninga shaHainina, ava mwa tela momwandi. Hainina iha kofa keengula, oshinhovele ohashi kofele kopena, oshinduda tashi u noishangelo. Oshinhovele tashi ehamwa koinyene ya tokoka, eenguluve daNangombe yaMangudu tadi lihanene oixwa, tadi wile meendjila. Nye ihamu tale eenghwandabi deni eshi da tuwa omafano. Tadi leshwa peembuda, tadi kwekwelwa kombadje. Eengobe da tulwa oilimbo, tadi leshwa. pomakalo, tadi yolwa koonanghwe.*

*Hano oikuni omwe i ongela oudele, eendilika mwe di ongela oulai, shaashi mwe di wilika kevela lopenzina tali xunga. La tika tali wile momundilo, mwe u litemena vene. Paife amushe tamu xulu po. Paife taleni kOnaholongo.*

Kalunga ngeenge e shi hala menongelo lovayakuliongalo mEngela otamu ka kala oyoongalele ei ixupi noya fanekwa ngaha.

- 3 - 6. 2. 1972 oshoongalele shovawiliki vounonaongalo
- 16 - 19. 3. 1972 oshovahakulihongwa vaNandjokwe.
- 10 - 23. 4. 1972 oshelongekido lovaudifi momaongalo.
- 26 - 29. 4. 1972 oshoshitaingerki shaUkwanyama, ovafita novaevangeli.
- 13 - 16. 7. 1972 oshovadiakoni ovalumenhu novakainhu.
- 24 - 30. 9. 1972 oshovahongikadona veefikola doshiwana.
- 15 - 17. 9. 1972 oshovatekuliumbo vakulu.
- 7 - 29.11. 1972 oshovakulukadi vovaevangelistehongwa.

Oyoongalele ei aische otai hovele noxungi yefiku olo la tiwa. Keshe umwe ota indilwa nefimaneko a holoke molufo laye. "Eendjovo doye odinyenye ngahelipi kelaka lange! Odo odinyenye di dule omaadi eenyiki mokanya kange."

Medina IEnongelo:

Josia Mufeti

lituthi iyali yaJesus

Luk. 23:21

Ombimbeli otayi hokolola enyanyu lyAajerusalem, oshigwana shAayuuda okunyanyukilwa Jesus uuna ndoka e ya muJerusalem pethimbo lyoshituthi. Aayevangeli mbaka Mateus, Markus naLukas, oyo oonzapo taa hokolola nkene Jesus e ya molupe lweshunduko lela.

Ihe nando e ya ngeyi, a kawila okasino, okwa li a taambwa ongomukwaniilwa omutegelelwa, Mesias. Onguwo niifo iitalala ya li ya yalwa mondjila, oyo tayi tu hokololele kutya okwa li a taambwa nesimaneko enene. Pamwe ayehe oya li yu uvite, ethimbo lyo opala onena, nesiku lyehupitho, ongashingeyi. Onke yi igidha, na lalelwe nuuyamba nguka te ya medhina lyOmuwa.

Omasiku hamale ga piti po, mboka ya li yi igidha; Na lalelwe nuuyamba, otatu ya adha ishewe ye li ongundu onene moshinyanga shaPilatus shompangu, ya tya omagonga, omavugati noomwele taa igidha: "Mwaalela, mwaalela komushigakano."

Otatu ti, Jesus ina kala mompango yelandulathano lyoshituthi? Shivalalewe. Okwa li ku na omatompelo kage na oshilonga. Aniva okwa tuku Kalunga, oti iningi Omuna gwaKalunga Luk.22:70-71.

Ethimbo lyajesus ndyoka e li lombwele aalongwa ye, olya thiki, ethimbo lyokuhupitha uyuni palongekidho lyakalunga Luk. 18:31-34. Okwi ile muuyuni a tsuwe omolvomayonagulo getu, nokunyanyagulilwa ondjo dhetu, ope tu kale tu na ombili. Jes.53:5.

Jesus okwa mwena momahepeko, ope a gwanithe ehala lyaHe. Ondjila yeifupipiko noyokudhinwa, okwe yi tu ende, ope tse

tu kale aasimani. Eso lyethingo komushigakano okwe li tu sile, ope tu kale twe mu opalela. Naamboka ye mu ulula, okwe ya ehamenwa moholehenda ye. Oti igidha:

"Tate, ya dhimina po oondjo dhawo, oshoka kaye shi shoka taa ningi."

Nonena otu li mongerki yetu, momagongalo popepi nokokule, twa li twa nyanyukilwa oshituthi shevalo lyOmukulili shoka sha piti konima yethimbo efupi lyowala. Moka twa li twi imbi: Siku enene ndi lya thikana, twa valelwa Omukulili. Pethimbo lyomahepeko, otatu adhika twa thikama moongundu dhaahepeki ongo tatu igidha; Alela komushigakano, niilonga yetu, oohapu dhetu, nomoondjenda dhetu momikunda, maantu yomaludhi agehe noyomaukwatya agehe.

Ashike ompito oye tu egulukila nonena puJesus okutaamba edhiminepo lyoondjo. Shimpa tuu tatu ya kuye meinekelo nomegalikano; "Jesus taamba ndje". Oshoka ohapu ndjika oya kola, Kristus Jesus e ya muuyuni a hupithe aanandjo. Oye naanaa eyambo lye tu opalele, Kalunga e li zimine.

V. Ph. Shikulo



OMUKWETU

Oshifo shOngerki onkwaevangeli paLuther yomOwambokavango Die Nuusblad van die Evangeliese Lutherse Owambokavangokerk Ohashi nyanyangidhwa mOniipa, Omukuluntu gwoshifo/Hoofredakteur omumbisofi Dr. Leonard Auala, Amushanga/redakteur Rev. Sebulon Ekandjo Ondando yoshifo komumvo muSuidwes-Afrika R1.00, kombanda yomafuta R2.00 Oondando nomambesitelo naga tumwe kOmukwetu, Oniipa, P/B 2015, Ondangwa, S.W.A.

Omatseyitho gomuntu mwene pashinyolwa shuule woondeimi 1 otashi futwa R1.00 oondeimi 2 otadhi futwa R1.90 oondeimi 3 otadhi futwa R2.70 oondeimi 4 otadhi futwa R3.40 oondeimi 5 otadhi futwa R5.00 Oto vulu okutuma wo efano lyaashono wa hala shi tseyithwe